

Procurador General ta haya 6 aña di prison mucho abao

8 AÑA DI PRISON EXIGI DEN CASO DI MATAMENTO NA MACUARIMA

ORANJESTAD(AAN) -- Manera DIARIO a publica, ayera Corte Superior a trata e caso cu e acusado R.K. a apela.

Manera por a lesa den DIARIO di 19 di December, R.K. na Augustus 1994 a ser condena na 6 aña di prison pasobra e ta worde haya culpable di a tira mata e Colombiano John Bolivar.

Ayera merdia Corte Superior a trata e caso completamente caminda tanto presidente di Hof como Procurador General mr. Zwinkels a haci un serie di pregunta na R.K.

R.K. a bisa Hof cu e ta lamenta kico a pasa pero ta desmenti categoricamente cu el a presenta na e sitio cu un arma den su man.

Den Corte el a splica Hof

cu el a bay na Macuarima 36 pa busca e muher G.F., pa nan bay wak nan yiu ya cu e mucha a bira malo.

Ta asina cu G.F. tabata amiga di e difunto y ora R.K. a yega na e cas a surgi un discusion. Na dado momento F. a sali pafor y a papia cu R.K. Den promer instante e no kier a bay cu R.K. pero despues ora el a mira cu a sigui un discusion entre e difunto y R.K., el a bolbe sali pafor y bisa cu e ta bay cu R.K.

E ora ey dos otro Colombiano a sali pafor y hunto cu e difunto nan a bay ariba R.K.

Segun R.K., el a mira cu un di e Colombianonan tabata arma cu un pida palo, mientras cu un otro cu un cuchio. E no a mira e difunto cu ningun arma. El a sigui bisa Hof cu ora e difunto a yega mas cerca, el a mire saca un arma y a pone esaki na su cabez.

R.K. a bisa Hof cu el a spanta y ora un di nan a bisa e difunto pa tira, el a dal e difunto su man y e arma a cay. R.K. den su susto a coy e arma y a cuminsa los tiro cu a alcansa e difunto fatal.

Hof a bisa R.K. cu su declaracion ta completamente otro compara cu e testigonan. Basicamente e testigonan, entre otro F. a declara di a mira R.K. saca un arma y a los dos tiro ariba e difunto.

R.K. a keda para ariba cu e no tabatin ningun arma. Den Corte e muher F. a ser scucha como testigo y durante interrogacion el a bisa cu e no a mira R.K. tira.

F. a sigui bisa cu e victima tabatin un cuchio den su poder.

Procurador General mr. Zwinkels a bisa cu analizando e caso, e ta di acuerdo cu Corte den Promer Instancia cu no por papia aki di asesinato permedita sino cu R.K. a mata Bolivar.

E ta haya cu e declaracion di e testigonan ta cuadra compara cu esun cu R.K. mes a duna.

E ta haya cu ta dificil pa exige un castigo corecto pa un caso horrible asina. Cada ken lo evalua e caso segun su propio responsabilidad.

Segun Procurador General e ta haya cu e castigo di 6 aña no ta refleha e seriedad di e caso y pesey ta exige 8 aña, kitando e tempo cu el a pasa den detencion preventivo.

Abogado mr. Zara ta haya cu loke por a scucha e testigo F. declara, ta musta cu realmente cierto cosnan a tuma lugar cu no ta corecto.

Su cliente ta para ariba cu e no tabatin arma den su poder. E ta kere cu mirando cu ta un grupo a bin ariba su cliente y nan tabata arma, por papia ariba di defensa propio. Hof a cera tratamiento di e caso y awe mainta lo dicta sentencia.

RAZIA DI POLIS DEN CHOLLERHOUSE

ORANJESTAD (AAN): Patruxa di Polis a bolbe tene un "semi-razia" riba casnan cual chollerman ta usa pa huma entre otro base.

Den oranan di marduga a inicia e limpieza aki y den un di Chollerhousenan Polis a topa cu 5 choller. Net nan tabata hala base na grandi, cu polis a core cu nan na mal orden.

Pero semper y cuando tin un of mas cu ta sintinan masha homber mes. Polis mester a ordena uno pa bandona e sitio sino forza lo worde usa. Un di nan a lanta un piedra pa ataca Polis. Sinembargo finalmente el a didici core bay di e sitio.

E iniciativa di Polis aki ta di aplaudi, como cu si pa for di trempa caba autoridad a actua cu man duro, posiblemente lo tin masha poco choller lo por a resta awendia.

No obstante cu na diferente ocasion Polis a confisca atributonnan, tog tin choller ta sigui cu nan intento di dafia ambiente.

Durante di e razia tambe Polis a topa cu e joven di inicial G.R.S., kende sea tabata bao influencia di alcohol of droga.

E tabata asina halto cu na

ZUNOCA ARUBA N.V.
Schelpstraat 58 - Telefoon 25523

BOLIVAR

Special pa December
BS. 1000.00 pa Afl. 10,50

Very Special: Ariba BS 300.000.00

Ultra Special: Ariba BS 1.000.000.00

Tambe Transferencia pa Venezuela (BS) y
pa Colombia (Pesos) den menos di 24 ora

ULTIMO ROSEA!!!

